

### 0.0.1 mahācattārīsakasuttaṃ

1. evaṃ me suttaṃ: ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme. tatra kho bhagavā bhikkhū āmantesi bhikkhavoti. bhaddanteti te bhikkhu bhagavato paccassosum, bhagavā etadavoca:
2. ariyaṃ vo bhikkhave, sammāsamādhiṃ desissāmi saupanisaṃ saparikkhāraṃ. taṃ suṇātha, sādhuṃ manasi karotha, bhāssissāmīti.
3. evaṃ bhaddanteti kho te bhikkhū bhagavato paccassosum. bhagavā etadavoca:
4. katamo ca bhikkhave, ariyo sammāsamādhi saupaniso saparikkhāro, seyyathidaṃ: sammādiṭṭhi sammāsaṅkappo sammāvācā sammākammanto sammājīvo sammāvāyāmo sammāsati. yā kho bhikkhave, imehi sattaha'ṅgehi<sup>1</sup> cittassa ekaggatā parikkhatā ayaṃ vuccati bhikkhave, ariyo sammāsamādhi saupaniso itipi, saparikkhāro itipi.
5. tatra bhikkhave, sammādiṭṭhi pubbaṅgamā hoti. kathaṅca bhikkhave, sammādiṭṭhi pubbaṅgamā hoti: micchādiṭṭhiṃ micchādiṭṭhīti pajānāti. sammādiṭṭhiṃ sammādiṭṭhīti pajānāti. sāssa hoti sammādiṭṭhi.

---

<sup>1</sup>sattaṅgehi-pts.

6. katamā ca bhikkhave, micchādiṭṭhi: natthi dinnam, natthi yiṭṭham, natthi hutam, natthi sukaṭadukkaṭānam kammānam phalam vipāko, natthi ayam loko, natthi paro loko, natthi mātā, natthi pitā, natthi sattā opapātikā, natthi loke samaṇabrāhmaṇā sammaggatā sammāpaṭipannā, ye imam ca lokam param ca lokam sayam abhiññā sacchikatvā pavedentīti. ayam bhikkhave, micchādiṭṭhi.

7. katamā ca bhikkhave, sammādiṭṭhi: sammādiṭṭhim-paḥam<sup>2</sup> bhikkhave, dvayam<sup>3</sup> vadāmi: atthi bhikkhave, sammādiṭṭhi sāsavā puññabhāgiyā upadhivepakkā atthi bhikkhave, sammādiṭṭhi ariyā anāsavā lokuttarā maggaṅgā.

8. katamā ca bhikkhave, sammādiṭṭhi sāsavā puññabhāgiyā upadhivepakkā: atthi dinnam, atthi yiṭṭham, atthi hutam, atthi sukaṭadukkaṭānam kammānam phalam vipāko, atthi ayam loko, atthi paro loko, atthi mātā, atthi pitā, atthi sattā opapātikā, atthi loke samaṇabrāhmaṇā sammaggatā sammāpaṭipannā, ye imam ca lokam param ca lokam sayam abhiññā sacchikatvā pavedentīti. ayam bhikkhave, sammādiṭṭhi sāsavā puññabhāgiyā upadhivepakkā.

---

pts page 072

<sup>2</sup>sammādiṭṭhim-pāḥam-sīmu.

<sup>3</sup>dvāyam-majasam.

bjt page 214

9. katamā ca bhikkhave, sammādiṭṭhi ariyā anāsavā lokuttarā maggaṅgā: yā kho bhikkhave, ariyacittassa anāsavacittassa ariyamaggasamaṅgino ariyamaggaṃ bhāvayato paññā paññindriyaṃ paññābalaṃ dhamma-vicayasambojjhaṅgo sammādiṭṭhi maggaṅgaṃ<sup>4</sup> ayaṃ vuccati bhikkhave, sammādiṭṭhi ariyā anāsavā lokuttarā maggaṅgā. so<sup>5</sup> micchādiṭṭhiyā pahānāya vāyamatī sammādiṭṭhiyā upasampadāya. svāssa<sup>6</sup> hoti sammāvāyāmo. so sato micchādiṭṭhiṃ pajahati. sato sammādiṭṭhiṃ upasampajja viharati. sāssa hoti sammāsati. itissime<sup>7</sup> tayo dhammā sammādiṭṭhiṃ anuparidhāvanti anuparivattanti. seyyathīdaṃ: sammādiṭṭhi sammāvāyāmo sammāsati.

---

<sup>4</sup>maggaṅgā-sīmu, [pts. 5.] sammāsaṅkappampāhaṃ-sīmu.

<sup>5</sup>yo- [pts. 6.] dvāyaṃ-majasaṃ.

<sup>6</sup>sāssa-sīmu. 7.sāssa-sīmu, [pts.].

<sup>7</sup>itīyime-majasaṃ. itime-sīmu.